

國學基本叢書  
建炎以來朝野雜記  
上

# 建炎以來朝野雜記

## 提要

臣等謹案建炎以來朝野雜記四十卷。宋李心傳撰。心傳字微之。井研人。官至禮部侍郎。事跡具宋史儒林傳。心傳長於史學。凡朝章國典。多所諳悉。是書取南渡以後事跡。分門編類。甲集二十卷。分上德、郊廟、典禮、制作、朝事、時事、故事、雜事、官制、取士、財賦、兵馬、邊防十三門。乙集二十卷。少郊廟一門。而末卷別出邊事。亦十三門。每門各分子目。雖以雜記爲名。其體例實同會要。蓋與建炎以來繫年要錄互相經緯者也。甲集成於嘉泰二年。乙集成於嘉定九年。書前各自有序。周密齊東野語嘗論所載趙師罽犬吠。乃鄭斗所造。以報撻武學生之憤。許及之屈膝。費士寅拘寶。亦皆不得志報私讎者。撰造醜誕。所謂韓侂胄僭逆之類。悉無其實。云云。蓋撥拾羣言。失真者固亦不免。然於高孝光寧四朝禮樂刑政之大。以及職官、科舉、兵農、食貨。無不該具。首尾完贍。多有馬端臨文獻通考、章俊卿山堂考索及宋史諸志所未載。故通考稱爲南渡以來野史之最詳者。王士禎居易錄亦稱其大綱細目。粲然悉備。爲史家之巨璧。言宋事者當必於是。有徵焉。其書在宋有成都幸氏刊本。並冠以國史本傳。暨宣取繫年要錄指揮數通。今惟寫本僅存。案張端義貴耳三集序稱。心傳告以朝野雜

記丁戊二集將成。則是書尙不止於甲乙二集。而書錄解題及宋史本傳均未之及。殆以晚年所輯書雖成而未出。故世不得見歟。

## 建炎以來朝野雜記序

心傳年十四五時。侍先君子官行都。頗得竊窺玉牒所藏金匱石室之副。退而過庭。則獲剽聞名卿才大夫之議論。每念渡江以來。紀載未備。使明君良臣名儒猛將之行事。猶鬱而未彰。至於七十年間。兵戎財賦之源流。禮樂制度之因革。有司之傳。往往失墜。甚可惜也。乃緝建炎至今朝野所聞之事。凡不涉一時之利害與諸人之得失者。分門著錄。起丁未迄壬戌。以類相從。凡六百有五事。勒爲二十卷。或謂心傳曰。子之是書。固學者之所宜究也。況言人之善而不及其惡。記人之功而不錄其過。是書之行於世也。則宜雖然。子以論著之餘。而記見聞之故。凡有所取則未及乎取者。必以爲見遺。凡有所揚則不足乎揚者。必疑其見抑。吾懼夫兩端之怨詈。將不得免。子安用此。其以賈禍也。可不慮哉。心傳謝曰。下國山野之人。上而名卿才大夫。下而巖穴幽棲之士。其夫之識者衆矣。遠而朝廷四方。久而二萬七千八百四十有八句之事。其未聞與未知者亦不少矣。事苟有所略。人苟有所遺。蓋孤陋寡聞之罪。非敢去取乎其間也。嗣有所得。屢書不一書而後已。可乎哉。既以告人。遂筆其辭於編首。嘉泰二年冬十月晦。秀富野人李心傳伯微甫序。

## 建炎以來朝野雜記乙集序

朝野雜記既成之三年。復爲書號續記。既抵乙丑之冬矣。顧視前集所書。往往缺略未備。而所憶中興以來舊聞遼事。尙或有之。欲補綴成編。未暇也。客有謂心傳曰。自昔權臣用事。必禁野史。故孫盛作晉春秋。而桓溫謂其諸子言。此史若行。自是關卿門戶事。近世李莊簡作小史。秦丞相聞之。爲興大獄。李公一家盡就流竄。此往事之明戒也。子其慮哉。心傳矍然而止。未幾。權臣殛死。始欲次比其書。會有旨給札。上心傳所著高廟繫年。鉛槧紛然。事遂中輟。旣而自念曰。此非爲己之學也。乃取舊編束之高閣。而熟復乎聖賢傳之書。又念前所未錄者。尙數百條。不忍棄也。粹而次之。謂之乙集。昔安陸鄭尙書嘗獻言於壽皇。指近歲史官紀載疏謬。謂當質諸衣冠故老之傳聞。與夫山林處士之紀錄。庶幾善惡是非不至差誤。壽皇嘉納。報下如章。實錄所書。可覆視也。聞者滕宗卿又舉以爲言。聖上亦旣從其請矣。然則是編也。或以備汗青之采摭乎。若夫擇焉而不精。語焉而不詳。則單見淺聞。無所逃罪。後之覽者。亦尙恕之哉。嘉定九年歲次丙子七月哉生明秀巖野人李心傳序。

宣取高宗皇帝繫年要錄指揮

正奉大夫守吏部尙書兼修國史兼實錄院兼太子詹事曾曠。中奉大夫試尙書吏部侍郎兼同修國史兼實錄院同修撰兼太子右庶子汪達。朝請大夫試太子詹事兼同修國史兼實錄院同修撰兼祕書監戴溪。朝請大夫權尙書禮部侍郎兼同修國史兼實錄院同修撰兼太子左諭德兼權中書舍人曾從龍。朝散大夫新除軍器監國史院編修官兼實錄院檢討官兼禮部郎官黃景說。朝奉郎守起居郎兼國史院編修官兼實錄院檢討官兼侍講充賀金國生辰國信使黃中。朝請大夫新除起居舍人兼國史院編修官兼實錄院檢討官兼權中書舍人李揆。朝請郎尙書吏部員外郎兼國史院編修官兼實錄院檢討官錢文子。奉一作承議郎守軍器少監兼國史院編修官兼實錄院檢討官兼國子司業陳武。文林郎祕書省正字兼國史院編修官兼實錄院檢討官兼莊文府教授陳貴謙。劄子曠等竊見太常博士李道傳之兄心傳。哀次高宗皇帝一朝長編已繕寫成淨本。未敢自擅投進。欲乞朝廷特賜敷奉令道傳繳進。仍乞降付國史院。以備參照編修正史。伏候指揮。嘉定三年九月二十八日。奉聖旨依。

付出高宗皇帝繫年要錄指揮

朝請郎顯謨閣待制新潼川路安撫使知瀘州臣許奕狀奏。臣竊惟士有懷才抱藝。遠莫能自致者。方清册之世。顧使之終老無聞焉。臣實惜之。臣伏見隆州鄉貢進士李心傳。傳通羣書。尤熟本朝故事。嘗謂中

與以來。明君良臣。豐功盛烈。雖已見之實錄等書。而南渡之初。一時私家記錄。往往傳聞失實。私意亂真。垂之方來。何所考信。於是纂輯科條。編年紀載。專以日厯會要爲本。然後網羅天下。放失舊聞。可信者取之。可削者辨之。可疑者闕之。集衆說之長。酌繁簡之中。久而成編。名曰建炎以來繫年要錄。故兵部尙書楊輔。前年蒙命召。嘗取其所錄高宗皇帝一朝。凡一百卷。繕寫成五十冊。欲以進上。會中道改除。不果。臣頃蒙恩兼修玉牒。求得此書。觀其所立。凡例類多暗合。綱目詳備。詞義嚴整。足以備史官采擇。兼心傳志行高潔。久棄場屋。該免舉不復就。非近來上書進策。僥覬賞典之比。實無一毫希望意。臣謹昧死繳進。伏乞睿慈。賜以乙夜之覽。仍官付史館。豈惟心傳半生辛勤專一之功。不遂泯沒。其於一朝大典。實非小補。所有上件高宗皇帝繫年要錄五十冊。謹隨狀上進。以聞。干冒天威。臣無任震懼。惶懼之至。謹錄奏聞。伏候勅旨。奉議郎太常博士臣李道傳。狀奏准尙書省劄子。吏部尙書兼修國史實錄院修撰曾曠等劄子。竊見道傳之兄心傳。哀次高宗皇帝一朝長編。已繕寫成淨本。乞賜敷奏。令道傳繳進。仍乞降國史院。以備參照。編修正史。奉聖旨依。臣今遵依聖旨指揮。所有上件高宗皇帝一朝編年之書。名繫年要錄。計一百卷。修寫成五十冊。隨狀上進。干冒天威。臣下情無任惶懼。震越之至。謹錄奏聞。伏候勅旨。貼黃。臣照得新知瀘州許奕。已曾繳奏上件繫年要錄。伏乞睿照。嘉定五年五月□□日。奉聖旨降付國史院。

朝省坐國史院劄子行下隆州取索孝宗光宗繫年要錄指揮

臣竊惟國家典章莫重史冊。唐朱敬則初成《夔史》。見者推爲董狐。然敬則方請別求名才。以重史選。張說就家修史。李元紘謂史事祕嚴。請令以書就館。參會撰錄。然則史職至重。名才難逢。館開纂修。事存國體。以敬則有董狐之稱。而猶以求才爲請。則不逮敬則者。蓋亦推賢而遜能。以張說居通顯之極。而元紘必欲其就館纂修。則匹夫之有志於斯者。宜使輸能而求獻。臣以謏聞。幸逢盛時。偶被采葑。與聞汗簡。伏準近旨。重修孝宗皇帝、光宗皇帝實錄。疊矩重規。鉅迹盛美。如日月之照明。而莫窺其經緯。如海岳之涵負。而莫究其高深。雖聖世多才。宰司遴選。人劇班馬。家效沈吳。其間如臣。實爲濫叨。欲效遜能之義。少輸報國之忠。竊見隆州進士李心傳。刻志前聞。究心史學。嘗著高宗繫年要錄。見謂該詳。繼聞討探。阜陵典章。亦有端緒。累朝聞見。會粹實多。苦心忘疲。麻歲滋久。若蒙聖朝兼收博採。下本州取其續成之書。以備考訂。誠網羅放失之意。或令身自齋帶來獻闕下。俾諸史官參會撰錄。恐於兩朝大典。必有裨補。用敢僂言。冒干聰聽。若心傳農馬之智。得略效於明時。則微臣鶉特之差。亦少逃於譏議。干犯天威。臣無任惶懼。隕越之至。取進止。準批送禮部行下隆州取索李心傳上件要錄。繳申尙書省。

國史院遵奉聖旨。指揮下轉運司抄錄孝宗皇帝、光宗皇帝繫年要錄公牒。

國史實錄院牒成都府路轉運勸會本院。恭奉旨。指揮改修三朝正史。孝宗皇帝、光宗皇帝御集。光宗皇帝寶訓。并改修孝宗皇帝實錄。并合要文武臣僚。內侍士庶之家。及僧道等處。應被受。或收藏聖語。聖訓。



御製、御筆、手詔、注解經義、詩頌、題跋、雜文等照使內行在從本院取索鈔錄。其臨安府及諸州軍欲乞令諸路轉運司嚴切遍下所管州軍縣鎮等處搜訪。如有被受之家，借本鈔錄，委官點對無差漏，申繳赴縣，不得因而騷擾。仍出賞募人投獻，如稍多者，乞從本院保明，優典推賞。今來所修正史御集寶訓實錄，事體至重，全藉搜訪，移文於內外官司取索，但於合用文字，參照攢類，其所承官司視爲文具，不卽依應，是致難以辦集。候指揮七月二十八日奉聖旨，並依劄付院當院，今訪聞隆州井研縣李宗簿宅，鄉貢進士李心傳住所，述續孝宗皇帝朝繫年要錄，請貴司移文行下隆州，疾速齎紙札，差人前去李宗簿宅鈔錄。委官點對無差漏，裝背成冊，申發赴院，以憑參修照用。若或續曾編類到光宗皇帝朝繫年要錄，一就鈔錄，赴院照用，勿得違滯。須至公文牒候到請遵從。今降聖旨指揮，疾速移文行下鈔錄前項所要文字，裝背成冊，申發赴院守等參照使用，幸勿違滯。仍先希依應公文回示。謹牒。嘉定十六年九月□□日牒。朝請大夫起居舍人兼國史院編修官兼實錄院檢討官吳中奉大夫行起居郎兼國子司業兼國史院編修官實錄院檢討官喬朝請郎試祕書少監權直學士院兼國史院編修官兼實錄院檢討官徐朝散大夫守太常少卿兼國史院編修官兼實錄院檢討官魏朝奉大夫權尙書工部侍郎兼國子祭酒兼國史院編修官兼實錄院檢討官葛中大夫權尙書刑部侍郎兼同修國史兼實錄院同修撰朱朝請大夫權尙書兵部侍郎兼侍講兼同修國史兼實錄院同修撰杜中奉大夫權尙書吏部侍郎兼權中書舍人兼

同修國史實錄院同修撰程大中大夫守尙書禮部侍郎兼中書舍人兼同修國史兼實錄院同修撰胡秀岩李氏所著建炎以來朝野雜記乃三省繫年要錄之張本也高廟一朝成書旣久已爲金匱石室之藏阜陵崇陵之書述續有緒行上送宮學士大夫恨未之見也雜記甲乙凡二集總四十卷其間中天百年豐功盛烈與夫禮樂刑政之條目典章制度之沿革兵戎食貨之源流莫不咸在三朝要錄之綱要實備於此宣取招揮史院文牒具著於右使引用者知是書之所載皆已經進之事實不復致疑焉

建炎以來朝野雜記甲集目錄

卷一

上德后妃王主  
宗室附

高宗誕聖

孝宗誕聖

光宗誕聖

寧宗誕聖

壽康宮進香

孝宗諸孫

慶元育宗子

高宗恭儉

高宗聖學

孝宗聖孝二  
事

建炎以來朝野雜記

甲集目錄

孝宗恭儉

昭慈聖獻孟皇后

顯仁章皇后

仁懷朱皇后

憲節邢皇后

憲聖慈烈吳皇后

成穆郭皇后

成恭夏皇太后  
太皇謝太后

慈懿李皇后

恭淑韓皇后

中興奉親之禮

本朝母后宮名

英宗妃嬪

哲宗妃嬪

德壽妃嬪

重華妃嬪

壽康妃嬪

元懿太子

秀安僖王

崇憲  
靖王

莊文太子

魏惠獻王

邵悼肅王

兗沖惠王

邠沖溫王

郢沖美王

豫國公挺

吳興郡王柄

信王

建炎以來朝野雜記

甲集目錄

秦魯國賢穆明懿大長公主

秦國康懿大長公主

和國長公主

隋國公主

嘉國公主

光宗三公主

郡縣主

僞親王公主

本朝宗室侍從

宗室狀元宏詞童子舉

三祖下宗室數

保州宗室

宗女奩具

宗室賜子

大宗正司兩外宗廢置

卷二

郊廟宮祠觀  
陵寢附

南北郊明堂

郊丘明堂之費

當喪罷祭廟

太祖正東嚮之位

九廟七廟之制

太廟景靈宮天章閣欽先殿諸陵上宮祀式

光堯廟號議

高宗孝宗配饗功臣

中興典祀

渡江後郊廟宮省

今圓丘青城  
齋宮

京太廟

建炎以來朝野雜記

甲集目錄

建炎以來朝野雜記

甲集目錄

今太廟

景靈東西宮

今景靈宮

今大內壽慈宮太學  
三省臨安府

祕書省

玉津園

陸親宅莊文憲憲  
府嘉王府

內中神御殿

萬壽觀

太一宮

佑聖觀

寧壽觀

延祥觀

顯應觀



祚德廟

郡國祖宗神御

昭慈永佑殯宮議

殯宮五使

昭慈永佑顯仁永思永阜永崇六殯宮

山陵非宰相護送

成恭成穆慈懿恭淑四殯宮

元懿太子殯所

莊文太子園

秀安僖王園

濮王秀王祠堂

永佑永獻喪制

卷三

典禮

尊號

建炎以來朝野雜記

甲集目錄